



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Labour, Social Policy, Displaced  
Persons and Refugees**

Broj: 13-04/2-04-151/21  
Sarajevo, 07.04.2021. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**

**- SKUPŠTINA KANTONA SARAJEVO**  
Služba za skupštinske poslove  
**- OVDJE -**

**- VLADA KANTONA SARAJEVO**  
Stručna služba Vlade  
**- OVDJE -**

**Predmet: Odgovor na zastupničku inicijativu, dostavlja se**


Zastupnik Aljoša Čampara, u skladu sa članom 106. Poslovnika Skupštine Kantona Sarajevo („Službene novine Kantona Sarajevo“- broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20 i 14/20), dana 29.01.2021. godine, uputio je zastupničku inicijativu prema Vladi Kantona Sarajevo, a koja se tiče nekoliko nužnih koraka kako bi se za žene žrtve verbalnog i fizičkog seksualnog nasilja stvorilo sigurno okruženje.

Na navedenu inicijativu, dajemo sljedeći odgovor:

Kanton Sarajevo je osnivač Kantonalne javne ustanove “Porodično savjetovalište” (u daljem tekstu: Porodično savjetovalište) čija djelatnost je, između ostalih, individualno savjetovanje i tretman, porodično savjetovanje i tretman, grupno savjetovanje i tretman. Ove djelatnosti su, između ostalih, u funkcijama sprečavanja nastanka i suzbijanja sociopsiholoških problema i poteškoća, harmoniziranja porodičnih i bračnih odnosa, stručne i profesionalne pomoći institucijama, ustanovama i organizacijama u skladu sa njihovim potrebama.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



Obzirom na navedeno Porodično savjetovanište provodi postupke primarne i sekundarne prevencije verbalnog i fizičkog seksualnog nasilja ili uznemiravanja.

Primarna prevencija ogleda se u edukaciji na način da se prepozna seksualno uznemiravanje i nasilje, te da se osoba kojoj se nasilje desilo ohrabri da isto prijavi uz sigurnost da postoji sistem dostupnih mehanizama koji im može i hoće pružiti zaštitu.

Sekundarna prevencija provodi kroz savjetodavno - terapeutski rad sa žrtvama verbalnog i fizičkog seksualnog nasilja ili uznemiravanja.

Savjetodavno-terapeutski tretman podrazumijeva savjetovanje i psihoterapiju, odnosno radi se o terapiji razgovorom koja se odvija između terapeuta i korisnika usluga i sastoji se od niza stručnih tehnika. Cilj savjetovanja i psihoterapije je promjena do koje se dolazi na postepen i strukturiran način što omogućava otklanjanje problema koji ograničavaju funkcioniranje žrtve. Usluge se pružaju kroz individualni, dijadni/partnerski i porodični oblik rada što ovisi o poteškoći ili problemu korisnika, njegovim očekivanjima, cilja tretmana i broja članova porodice koji su uključeni u tretman. Razgovor između terapeuta i korisnika razlikuje se od bilo kog drugog razgovora, jer on podrazumijeva autentičnost terapeuta, empatiju, poštivanje dostojanstva osobe sa kojom razgovara. Savjetodavno-terapeutske usluge pružaju terapeuti u sigurnom, povjerljivom i podržavajućem ambijentu. Posebna pažnja pridaje se poštivanju etičkih principa, a naročito principa povjerljivosti podataka vezanih za korisnika, njegov identitet i sadržaj tretmana.

Po podacima Porodičnog savjetovaništa došlo je do povećanja broja korisnika ove ustanove kojima je pružan savjetodavno – terapeutski rad nakon pretrpljenog verbalnog i fizičkog seksualnog nasilja ili uznemiravanja. Broj korisnika kojima je pružan savjetodavno – terapeutski rad nakon pretrpljenog verbalnog i fizičkog seksualnog nasilja ili uznemiravanja u prvom kvartalu 2021. godine povećan je za 70% u odnosu na prvi kvartal 2020. godine iz čega proizilazi da je došlo do povećanja broja korisnika nakon pokretanja kampanje “Nisi sama”.

Porodično savjetovanište će nastaviti sa provođenjem postupka primarne i sekundarne prevencije verbalnog i fizičkog seksualnog nasilja ili uznemiravanja i pružanja pomoći osobama koje su isto pretrpjele.

S poštovanjem,

Pripremila: Aldina Šantić, viši stručni s  
Kontrolisao: Nurija Hodžić, pomoćnik

Dostaviti:  
1. Naslovu  
2. a/a



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



Quality management system  
ISO 9001  
• Customer focus  
• Customer satisfaction  
• Efficient service improvement  
• System/process effectiveness  
ID 15 F00 03666  
[www.tuv.com](http://www.tuv.com)